



Nr. prot. 157, datë 20. 02. 2023

Nr. prot. 37, datë 20. 02. 2023

**MARRËVESHJE BASHKËPUNIMI
NDËRMJET
QENDRËS SË TRAJNIMEVE DHE PROJEKTEVE ALBAS
DHE
FAKULTETIT TË HISTORISË DHE TË FILOLOGjisë,
UNIVERSITETI I TIRANËS**

PREAMBUL

Qendra e Trajnimeve dhe Projekteve Albas dhe Fakulteti i Historisë dhe i Filologjisë, Universiteti i Tiranës, të cilët në vijim të këtij dokumenti do të quhen Palë:

Duke vlerësuar rëndësinë që ka bashkëpunimi dhe ndërveprimi efektiv me sipermarrjet private, bizneset dhe industrinë si mundësi e shkëmbimit të përvojave në kuadër të globalizmit dhe ndikimit që ka teknologjia në të gjithë sektorët e jetës njerëzore :

- ✓ për të forcuar formimin praktik të studentëve;
- ✓ ndjekjen dhe zhvillimin më nga afër tregun e punës, për të rritur mundësinë e punësimit të shpejtë të tyre;
- ✓ për të krijuar një lidhje organike mes *alumni* dhe Fakultetit të Historisë dhe Filologjisë si institucion i cili ofron mbështetje dhe orientim akademik në trajimin e vazhduar të zhvillimit profesional për të mësuarit gjatë gjithë jetës.

Me dëshirën për të nxitur diskutimet me karakter praktik në fushën e mësimdhënies dhe studimeve kërkimore shkencore që lidhen me to në fakultetin filologjik,

Për të rritur profesionalizmin e mësuesve të ardhshëm, duke përfshirë stafet akademike dhe studiuesit e këtyre fushave kërkimore;

Me synimin për të përfaqësuar vlerat dhe parimet më të larta të orientimit didaktik drejt teknologjisë, gërshtuar me kërkimin shkencor në këto fusha si dhe bashkëveprimi dhe koordinimi për këtë synim ;

Palët kanë rënë dakord të lidhin këtë Marrëveshje Bashkëpunimi, në vijim e quajtur

Marrëveshja.

Neni 1

Baza ligjore

Palët do të bashkëpunojnë në zbatim dhe respektim të: pikës 4, çështja c, të nenit 3, të ligjit nr. 80/2015 “Për arsimin e lartë dhe kërkimin shkencor në institucionet e arsimit të artë në Republikën e Shqipërisë”, për të lidhur marrëveshje me persona juridikë, publikë dhe privatë, vendas ose të huaj, për zhvillimin e veprimitarive mësimdhënëse, kërkimore-shkencore, kualifikuese, innovative, si edhe veprimitari të tjera të ligjshme.

Neni 2

Qëllimi

Qëllimi i kësaj marrëveshjeje është nxitja e bashkëpunimit midis dy institucioneve për për zhvillimin e veprimitarive kualifikuese, innovative, kërkimore- shkencore, si edhe veprimitari të tjera të ligjshme.

Neni 3

Objekti i bashkëpunimit

Palët bashkëpunojnë me njëra-tjetrën për:

- a. Organizimin e aktiviteteve, workshopave, konferencave shkencore në fushat filologjike (letërsi, gjuhësi, histori) dhe të metodologjisë së mësimdhënies përmes përdorimit të teknologjisë.
- c. Krijimin e grupeve të punës për aplikimin në projekte të përbashkëta në thirrjet e projekteve të publikuara nga donatorë të ndryshëm;
- ç. Shkëmbime librash e literature me fokus në fushat filologjike (letërsi, gjuhësi, histori), metodologjisë së mësimdhënies dhe didaktikës.

Neni 4

Përgjegjësitë e palëve

Bashkëpuni sipas kësaj Marrëveshjeje do të funksionojë si vijon:

Qendra e Trajnimeve dhe Projekteve Albas do të realizojë:

- a. Ofrimin e ekspertizës me anë të ekspertëve të saj për konsulencë dhe realizimin e workshopave, konferencave dhe projekte kërkimore
- b. Ofrimin mbështetjes teknike, për realizimin e tyre;
- c. Kordinimin e realizimit të veprimitarive;
- d. Mbulimin e shpenzimeve financiare të aktiviteteve gjatë organizimit të eveneteve)

Fakulteti i Historisë dhe Filologjisë Universiteti i Tiranës do të realizojë:

- a. Realizimin e aktiviteteve vjetore workshop dhe konferencave shkencore me mësues të arsimit parauniversitar dhe studentë të programeve të studimit Bachelor dhe Master Profesional të Mësuesisë.
- b. Ofrimin e asistencës, për kryerjen projekteve të ndryshme me karakter kërkimor në fushën e metodologjisë së mësimdhënies.

- c. Ofrimin e mjediseve të Fakultetit Filologjik dhe logistikës së tij për realizimin e veprimitarive të ndryshme;

Neni 5

Zbatimi i marrëveshjes

- Palët marrin përsipër të vlerësojnë bashkërisht zbatimin e marrëveshjes, nëpërmjet hartimit dhe paraqitjes së një raporti me shkrim, në përfundim të çdo viti kalendarik.
- Raporti përmban, krahas të dhënave për ecurinë e aktiviteteve trajnuese të zhvilluara gjatë një viti kalendarik, edhe rekomandime për adresimin e problematikave te evidentuara.

Neni 6

Komunikimi mes palëve

- Palët angazhohen të mbajnë një komunikim të vazhdueshëm ndërmjet tyre dhe të shkëmbenjë çdo informacion të nevojshëm për përbushjen e detyrave te tyre. Komunikimi do të kryhet në formë shkresore ose në rrugë elektronike. Në çdo rast të paraqitjes së një kërkese, palët angazhohen të japid përgjigje brenda 10 ditëve.
- Palët angazhohen të janë të disponueshme në çdo kohë, për komunikimin me njëra-tjetrën me qëllim koordinimin e veprimeve, që duhet të ndërmerren bashkërisht rast pas rasti.

Neni 7

Kostot financiare

Kostot financiare, që rezultojnë nga zbatimi i kësaj Marrëveshje, iu nënshtrohen legjislacioneve në fuqi dhe janë brenda kufijve të shpenzimeve buxhetore që Palët kanë në dispozicion.

Neni 8

Kohëzgjatja e marrëveshjes dhe ndryshimi i saj

Kjo marrëveshje nënshkruhet për një afat kohor të pacaktuar. Ajo mund të ndryshojë vetëm me dakordësi të palëve, nëpërmjet shkëmbimit të komunikimit me shkrim.

Neni 9

Zjidhja e mosmarrëveshjeve

Çdo mosmarrëveshje lidhur me interpretimin ose zbatimin e kësaj marrëveshje zgjidhet me mirëkuptim mes palëve

Neni 10

Hyrja në Fuqi

Marrëveshja hyn në fuqi ditën e nënshkrimit të saj dhe publikohet në faqet zyrtare të Palëve. Marrëveshja përgatitet dhe nënshkruhet në 4 (katër) kopje origjinale, dy prej të cilave depozitoohen pranë Qendrës e Trajnimave dhe Projekteve Albas dhe dy pranë Fakultetit të Historisë dhe Filologjisë Universiteti i Tiranës.

Nënshkruar në Tiranë, më 20.02.2023

QENDRA E TRAJNIMEVE
DHE PROJEKTEVE ALBAS
DREJTOR
DR. EDLIRA GUGU



FAKULTETI I HISTORISË DHE FILOLOGJISË
UNIVERSITETI I TIRANËS
DEKAN
Prof. dr. Sabri LAÇI

